

չապ արձաններն այնքան ինձ հետաքրքրեցին, որ 1906ին գնացի Գեղարդ, բարձրացայ Գառնիի (Ազատառուակի) բարձունքը, Սեւանի լճի հարաւային լեռնաշղթայի լանջերում գտայ ճահիճների եւ աւազուտների մէջ գլորուած 30ից աւելի վիշապական արձաններ, աւելի ճոխ, գեղեցիկ քանդակներով, որով արդէն համոզուեցի, որ սրանք վիշապազանց շրջանից մնացած յիշատակարաններ են, որոնք երկրագործ դասի պաշտամունքն էին կազմում, որտեղից սկսում էին դաշտերն ու հովիտները ոռոգող առուակներն ու ջրանցքները: Այս արձանների վրայ գտնուած սլաքները այնքան համաման էին Գեղարդի ապառաժային վանքի վրայ գտնուած սլաքներին, որ տարակույս չկայ, թէ սրանք ինչ որ կապ են ունեցել հեթանոսական դարաշրջանում:

Բաշգառնիից, Գեղարդից անցնելով՝ երբ Բայրուրդի եայլան տեսայ, խակոյն յիշեցի ձորոխի Բայրուրդը, զգացի թէ անշուշտ կապ կայ սրանց մէջ: Այստեղից տեսանելի է Իմիրչիկը եւ Կալայչին, որի անունը ինձ ծանօթ էր Արաղածի լանջին գտնուած Կալայչի եւ Հոռոմի բերդի Կալայչի անուններից որով պարզուեց, որ Կալայչին էլ այդ էին յիշատակարաններից մէկն է: Արխաշէն¹ (Արքայաշէն) լեռների

¹ Արխաշէն, Ախաշէն, Արբունիս, Արկնիս գեղա-